

# KERATAN AKHBAR

TARIKH : 3 JANUARI 2024  
AKHBAR : BERITA HARIAN  
MUKA SURAT : 5

## Sistem perlu audit keselamatan berkala

### Sistem perlu audit keselamatan berkala

Putrajaya: Kerajaan perlu melaksanakan audit keselamatan secara berkala terhadap Sistem Pangkalan Data Utama (PADU), mengambil kira risiko ancaman serangan siber dan kemunculan teknologi baharu, kata Ketua Pegawai Eksekutif CyberSecurity Malaysia (CSM), Datuk Dr Amirudin Abdul Wahab.

"Semakin luas rangkaian kita, maka semakin mudah kita terdedah. Kalau kita kata sekarang selamat, tak semestinya lima atau enam bulan akan datang in masih selamat."

"Sebab itu, kita perlukan audit untuk pastikan keselamatan pangkalan data terbabit," katanya ketika menjadi panel pada Forum 'Memacu Peralihan Melalui PADU' yang diadakan sempena Majlis Pelancaran PADU di sini, semalam.

Ahli panel lain dalam forum itu adalah Timbalan Ketua Pengarah (ICT) Unit Penedahan Tadbiran dan Perancangan Pengurusan Malaysia (MAMPU), Dr Faziadah Abu Bakar dan Pengarah Pusat Penyelidikan Keselamatan Sosial Universiti Malaysia, Prof Datuk Dr Norma Mansor.

Amirudin berkata, CSM akan memainkan peranan strategik untuk melaksanakan penilaian



Ahli panel (dari kiri) Faziadah, Amirudin dan Norma pada Forum 'Memacu Peralihan Melalui PADU' yang diadakan sempena Majlis Pelancaran PADU di Putrajaya, semalam. (Foto BERNAMA)

keselamatan terhadap PADU, sama ada pada rangkaian pangkalan data dan hos PADU.

"Teknologi mengubah cara pengguna menjalankan perniagaan dan menawarkan peluang kepada capaian berterusan pada aplikasi baharu, bagaimanapun fleksibiliti berkenaan memperkenalkan risiko dan ancaman keselamatan siber," katanya.

**Bekal jadi pengubah kebiasaan**  
Sementara itu, Norma berkata, PADU bakal menjadi 'pengubah kebiasaan' dalam negara, justeru data di dalamnya perlu dikemas kini secara berkala untuk meng-

elakkan ia menjadi data statik.

Beliau berkata, pengemaskinian berkala menjadikan integrasi data lebih berkesan, pada masa sama dapat mengelak pertindihan maklumat dari pelbagai jabatan.

"Kita tidak mahu lagi orang yang meninggal dunia masih ada dalam data PADU dan mendapat bantuan, atau kita tidak mahu kerusi roda daripada tiga entiti berlainan," katanya.

Norma berkata, keberkesanan PADU bergantung kepada tindakan proaktif setiap pemilik program seperti Jabatan Pendaftaran Negara, jabatan agama, dan kem-

baga zakat bagi terus menyalurkan bantuan kepada golongan sasaran.

"Jika tidak, PADU adalah perustakan data semata-mata dan rakyat yang perlu dibantu akan terus tercicir," katanya.

PADU adalah pangkalan data komprehensif yang mengandungi data mikro yang diintegrasikan daripada pelbagai sumber agensi kerajaan.

Ia dibangunkan sepenuhnya oleh perjawatan awam daripada tiga agensi utama, iaitu Kementerian Ekonomi, Jabatan Perangkaan (DOSM) dan MAMPU serta turut melibatkan kerjasama pelbagai agensi lain.